

vonn Purenn<sup>1)</sup> Stathalter vber friesland vnnd ander hern mer den tag zue haltenn so bestimbt ist wordenn zwischenn dem hoff burgundia vnnd koniglicher wirdenn zue Denemarck ein bestant zue machenn allein Die Denischenn hernn seint nit hin kumen man hat Sich statlich ferhofft es solte sein zum fridt kumen wan die gesantenn koniglicher wirdenn zue Denemarck gen emptenn kumen werenn got wolle nach sein genat ferleibenn Damit es zue einem fridt kume es seint In Diser schlacht auf bedenn seitenn 15000 Mann geblibenn man schreibt aus seelant vnnd aus amsterdam das 3000 spanier ankumen sein vnnd der konig vonn engellant hot auch gesant 12000 zue fues vnnd 2000 zue Ros Die sollenn Inn franckreich ziehenn sambt andern volck so kays. Maj. mit bringt vnnd Im Reich hat an Nemenn Lossen got wolle kays. Maj. vnnd allenn Furstenn vnnd hernn eintracht gebenn damit es zue eim fridt kume vnnd dem turcken werde widerstant getonn Damit die Arm Cristenheit von dem feint des kreutz vnnd ferfolger Cristy unbeschetigt bleib, Durchleuchtiger hochgeborner Furst gnediger her solche Zeitung hab ich eur F. D. zue schreiben nit vnderlossenn kunen wolt got Sy wer pesser dann Sy also ist got geb damit ander vnnd besser hernach kunen hiemit wolle got eur F. D. Inn Langweriger gesuntheit erhaltenn wil mich In eur F. D. gnadenn befolgen habenn Dat. In Dantzick den 14 tag Julle an<sup>o</sup> 1548.

E. F. D.

gehorsamer treuer vndertann

Andreas Venzl.

A.-V. Andreß Venzel schreibt Zeitunge vonn Burgundiern Cleuischen und sonsten Datum Den XIII Julii.

### VIII. (41.)

*Conradus Lagus übersendet dem H. A. Briefe bekannter Reformatoren und Bücher. Nachrichten aus dem Reich. Es wird um nochmalige Untersuchung der Streitsache der Erben Lucas Kettings gebeten.*

1543. 4 September Danzig.

Ad. Dem durchleuchtigen hochgebornem fürsten vnnd Herrem, Herren Albrecht, margkgrauen zw Brandenburgk, in preussen, Stetin. pomern, vnd Cassuben, Herczogen burgkgrauen zw Nürnbergk, vnnd fürsten zw Rügen, meynem gnedigen Herren zw eygen hend.

Durchleuchtiger hochgeborner furst vnnd herre E. f. g. seyndt meyne

---

1) Graf Maximilian von Büren.